

তারা বলে, 'ভয় করে যে কত।'
কর্তা বলেন, 'সেইখানেই তো ভূত।'

ক. সঠিক উত্তরটি নির্বাচন কর:

১. "দেশের লোক ভারি নিশ্চিত হল"—কারণ
 - ক) কর্তা বেঁচে গেলেন
 - খ) দেবতার দয়ায় তিনি অমর হলেন
 - গ) দেবতার দয়ায় তিনি ভূত হয়ে তাদের ঘাড়ে চাপলেন
 - ঘ) ভূতকে মানলে কোনো ভাবনাই নেই
২. প্রজাদের মধ্যে কোনো কোনো লোক ভূতের কানমলা খায়,—কারণ
 - ক) তারা অন্যায় করে
 - খ) তারা কর্তার ক্ষমতাকে মানে না
 - গ) তারা বিদ্রোহ করে
 - ঘ) তারা নিজে ভাবতে যায়
৩. ভূতের দেশে ওঝা ডাকার চিন্তাই নেই—কারণ
 - ক) এখানে ওঝাকেই আগেভাগে ভূতে পেয়ে বসেছে
 - খ) এখানে কোনো ওঝাই নেই
 - গ) ওঝারা কোনো তন্ত্র-মন্ত্র জানে না
 - ঘ) এখানে কেউ ওঝাগিরিতে বিশ্বাস করে না
৪. পৃথিবীর অন্য দেশগুলোর মানুষ একেবারে জুড়িয়ে যায় নি—কারণ
 - ক) তারা ভবিষ্যৎ নিয়ে মাথা ঘামায় না
 - খ) তারা অতীতকে গুরুত্ব দেয় না
 - গ) তারা ভবিষ্যতের রথচক্রটাকে সচল রাখে
 - ঘ) তারা ভূতের ঘানি নিরন্তর ঘোরায়
৫. "জগতে যারা হুঁশিয়ার এরা তাদের কাছে ঘেঁষতে চায় না"—কারণ
 - ক) হুঁশিয়ার লোকেরা এদের নাকাল করে
 - খ) তাদের সেক্ষেত্রে প্রায়শ্চিত্ত করতে হতে পারে
 - গ) হুঁশিয়ারদের এরা বিশ্বাস করে না
 - ঘ) হুঁশিয়াররা এদের উপর অত্যাচার করে

৬. “ভূতের নায়েব চোখ পাকিয়ে বলে, ‘চূপ’ এখনো ঘানি অচল হয় নি।”—কারণ
- ক) দেশের লোক ঘানি ঠেলা থেকে ছুটি চায়
 - খ) দেশের লোক ঘানি ঠেলার কাজে ইস্তফা দিতে চায়
 - গ) অর্বাচীনরা ভূত তাড়াতে উদ্যত হয়
 - ঘ) অর্বাচীনরা ঘানি অচল হয়ে গেছে বলে প্রচার করে
৭. “দেশটাকে বুড়ো কর্তা নাড়েও না, অথচ ছাড়েও না,”—কারণ
- ক) দেবতার তেমনই নির্দেশ
 - খ) সে কেবলমাত্র ভূত হয়ে দেশের ঘাড়ে চেপে বসে আছে
 - গ) ছাড়ার কথায় দেশবাসীই আপত্তি করে
 - ঘ) এটাই তার ভবিতব্য

খ. সংক্ষিপ্ত উত্তরভিত্তিক প্রশ্ন—সঠিক উত্তরটিতে (✓) দাও:

১. ‘অদৃষ্টের চালে চলা’ বলতে লেখক কী বোঝাচ্ছেন?
 - ক) যা দেখা যায় না তাকে অনুসরণ করা
 - খ) চোখ বুজে চলা
 - গ) অন্ধ সংস্কারের বশে চলা
 - ঘ) ভাগ্যের বিপরীতে চলা
২. ভূতুড়ে জেলখানার দারোগা কে?
 - ক) কর্তা
 - খ) ভূতের নায়েব
 - গ) ভূতের দারোয়ান
 - ঘ) ভূতের সাক্ষী
৩. ভূতের জেলখানার ঘানি থেকে কী বের হয়?
 - ক) তেল
 - খ) কালি
 - গ) মানুষের তেজ
 - ঘ) তুমুল আওয়াজ
৪. ভূতের রাজত্বে শান্তির প্রকৃতি কী?
 - ক) মানুষ ভূতগ্রস্ত
 - খ) ভূত মানুষকে বিরক্ত করে না
 - গ) ওঝারা ভূতগ্রস্ত
 - ঘ) মানুষ অস্থির
৫. কোন্ সামান্য কারণে একটু মুশকিল বাঁধলো?
 - ক) সে দেশের মানুষ সব ঘুমিয়ে পড়েছিল
 - খ) সে দেশে ভূতগুলো উপদ্রব করছিল

- গ) কর্তাবাবুর মৃত্যু হয়েছিল
ঘ) পৃথিবীর 'ভূতে না পাওয়া' দেশগুলোর মানুষ খুব সজাগ ছিল
৬. 'খাজনা দেব কিসে'—এ প্রশ্নের কী উত্তর আসে?
ক) টাকাপয়সা, ধনদৌলত দিয়ে
খ) বইপত্র, কোম্পানীর কাগজ দিয়ে
গ) ঈশ্বরের কাছে পূজা-প্রার্থনা করে
ঘ) আক্র, ইজ্জত, ইমান, বৃকের রক্ত দিয়ে
৭. রবীন্দ্রনাথ 'সনাতন ঘুম' বলতে কী বুঝিয়েছেন?
ক) আদিমকালের ঘুম
খ) চিরকালের ঘুম
গ) পরিবর্তনহীন, অন্ধ সংস্কারের ঘুম
ঘ) ভাতঘুম
৮. দেশের মধ্যে দুটো-একটা মানুষের সাথে গভীর রাতে কী কথা হয় কর্তার?
ক) কর্তা বলেন যে তিনি দেশবাসীকে ছাড়তে চান না
খ) কর্তা বলেন যে তিনি জমিদারী ফেরত চান
গ) কর্তা বলেন যে দেশের লোক ছাড়লেই তিনি 'ছাড়া'
ঘ) কর্তা বলেন দেশের লোক যেন তাকে না ছাড়ে

গ. রচনাধর্মী উত্তরভিত্তিক প্রশ্ন:

১. ভূতগ্রস্ত দেশ কোন আদিম আভিজাত্য অনুভব করে?
২. 'ভূতের রাজত্বে আর কিছুই না থাক, ...শান্তি থাকে।'—মন্তব্যটি ব্যাখ্যা করো।
৩. কোন কারণে ভূত শাসনতন্ত্র নিয়ে দ্বিধা জাগল?
৪. 'নইলে ছন্দ মেলে না, ইতিহাসের পদটা খোঁড়া হয়েই থাকে।'—ব্যাখ্যা করো।
৫. 'বেহঁশ যারা তারাই পবিত্র, হঁশিয়ার যারা তারাই অশুচি...'—এই উক্তির প্রেক্ষিতে কাহিনীটি ব্যাখ্যা করো।
৬. "তারা বলে, 'ভয় করে যে কর্তা।'—কারা একথা বলে? তাদের কিসের ভয়? কর্তা জবাবে কী বলেন?
৭. 'কর্তার ভূত' কি নিছক ভূতের গল্প, নাকি রাজনৈতিক রূপক কাহিনী? ব্যাখ্যাসহ লেখো।